

sejo si oferse servir la Signoria in questi bisogni, et oferiva li sui arzenti; era venuto a portarli ducati 300 a donar a la Signoria, ma lo haveano fato creditor, e oferendosi la vita, et poco più ne ha de contadi; et uno altro nominato si ha armato meza galia dil suo; e uno Barozi, richo, nulla a oferto.

Item, di una poliza di debitori di le raxon nuove hanno visto, non è nulla; è uno solo, qual è povero. *Item*, sier Bernardo Barbarigo capitano è stà li per l'isola e visto la campagna, e come è ben governata.

Di Corphù, di sier Alvixe d' Armer baylo e capitano, di 10 Lujo. Come ha mandato do soi esploratori fino in campo dil Signor turcho; aspecta il loro ritorno, e aviserà. *Item*, come de li non à il modo di formenti da far biscoti per l'armata, e si fazi provisione, perchè è zonte li tre galie armate in Candia, e sarano al numero 12, e bisognerà darne, et lui non vi vede il modo etc. *Item*, à inteso, per dite galie candiote, una nave di Turchi sora Cao Malio è stà combatuta da nave de' francesi.

Di Constantinopoli, di sier Nicolò Justinian baylo, di 12 Zugno. Come el Signor è andato potente contra el Sophi, e tien certo che aporpinquandosi sarano a la zornata; tutti do exerciti è potenti, *maxime* quel di Sophi. Et el Signor à mandato a tuor li formenti erano li a Constantinopoli, e fato snudar li magazeni con ordine li mandio in Trabesonda, ch'è signal vorà invernare de li; e che si dize vol mandar 6000 cavali avanti e altri; lui vol andar prima con 16 milia cavali e li janizari. *Item*, scrive che quel Costazi Bassà, fo capitano di Galipoli, è zenero dil Signor turcho, è restà li a Constantinopoli al governo e fa lavorar a furia l'Arsenal, et in zorni 30 à fatto vòlta 50, et vol far vòlta 150 per 150 galie, che sarà bellissima cossa; che prima le galie stavano discoperte, hora arà un bellissimo arsenal; e altre particolarità, *ut in litteris*. *Item*, ch' el Signor lassa li janizari da drio e va avanti con le zente.

239* *Di campo, di ozi, hore 11, dil provedador zeneral.* Come, havendo sentito nostri eridar arme, quella note erano stati in arme; et per i nimici fo preso una nostra scolta, et *tamen* essi inimici non veneno avanti, e non fo nulla.

112 *Fu posto, per li consieri e tutto il Colegio, una parte, poi leto una gratia di sier Piero Boldù qu. sier Lunardo: atento el sia debitor in note sue, di suo padre e dona Fiordelise sua madre a Palazzo di angarie, qual non pol pagar per aver perso il suo a Castel Baldo, et à fioli 12, unde fu posto che fusse suspeso il suo debito per do anni, ut in parte. Ave 16 di no, et 154 de si, et fu presa.*

Fu posto, per li savii, una letera al sanzacho di Monte Negro, Zernovich, che mandò a donar la costa de San Stefano a la Signoria nostra, come lo ringratiamo; et havendo inteso soa signoria vol le saline nostre di Cataro dominarle, ch' è di nostri subditi catarini, per il che lo pregiemo, cussi come il Signor in la paxe à voluto, ne sia mantenuti li nostri subditi in ditte saline; et da mo' sia preso, oltra li ducati 100 terminati darli di panni di seda, li sia dato al suo nontio, è qui, altri ducati 100 in contanti; e fu presa.

Fu posto, per li savii tutti, quelli vorano prestar a la Signoria nostra ducati 300, li sia restituidi da mo' a mexi 6; possi scontar in le so' angarie et quelle de altri, e possi aver il titolo di aver pagà tanti fanti, e a Gran Consejo e in Pregadi; et fu presa. La copia sarà qui avanti.

Fu posto, per li savii, li do deputadi a trovar danari de incantar a San Marco e Rialto, dove parerà al Colegio, botege de formazi e carne di porcho; nè altri cha quelli torano dite botege possi vender, *ut in parte*; e fu presa.

Fu posto, per li savii et li do deputadi, *ut supra*, Molin e Dolfin, che tutti quelli sono ubligati meter ojo in Ternaria per le leze nostre fin 6 Marzo pasato, si possi franchar dando a la Signoria nostra, in termine di uno mexe, ducati uno per mier di contadi; et pasado il termine, ducati do per mier; et siano astreti a pagar in aver et in persona, exceptuando questa tesera core e quella di Septembrio, aziò sia ojo in Ternaria; e si scuodi per li ufficiali a la Ternaria, quali habino ducati 10 per cento di quello i scoderano, *ut in parte*. Contradise sier Gasparo Malipiero savio a terra ferma, qual non era di opinion, et messe voler la parte senza un capitolo; li rispose sier Zacaria Dolfin provedador a recuperar danari. Andò le parte: 37 del Malipiero, 97 di savii, 8 non sincere, 16 di no; fu presa. E la differentia dil Malipiero fu, ch' el non voleva fusse astreti a pagar li ducati do; ma volendo depositar, fosseno liberi a farlo.

Die sexto Augusti, in Majori Consilio. 240

Essendo de non mancho importantia la election che se fa ordinariamente dil Consejo di Pregadi che quelli che se elezeno *extraordinarie infra annum*, absurdà cossa è che la eletion ordinaria non se fazi per 4 man di eletion come se fa la extraordinaria. Però, essendo conveniente usar conformità in una istessa cossa, l'anderà parte che *de cætero*, comen-